

皇
清
經
解

金

清

經

解

皇清經解卷五百五十一

九穀考

歙程徵士

圖黍稷稻粱四穀記

黍稻二穀夫人而知之也北方之人盡識黍南方之人盡識稻也黍大名也黏者得專黍名其不黏者則曰糜或曰稭今持一黍以示北方之童子必應之曰黍持糜以示之其應之者不曰糜必曰稭也於是求之古人言小學之書若說文方言者無不與今人口中之言相響應故曰黍夫人而知之也稻大名也黏者別之曰糯不黏者曰秈曰稭今持一稻之糯者或秈若稭者以示南方之童子而叩之曰是何也則將笑之而曰是人也奚至於不辨稻之黏與不黏也故曰稻夫人而知之也若夫稷其




在說文稷齋互釋黏者別之曰秫適與今人呼高粱爲秫者相合余於此穀居北方十餘年與老農者流商訂者屢矣南北上下凡五反其播穫之時數經目驗於細民通食高粱驗賤者食稷之義於民俗呼高粱爲麤糧驗疏食卽稷食之義至呼高粱爲秫秫呼其稽爲秫稽則市井商賈交易其書諸簿券者皆然不但北方簿券然也余嘗至鳳陽郡守署時高粱將穫盜者甚衆告於官其詞竝呼秫秫與秫稽云昔人呼蜀黍猶南方呼蘆稌也蘆蜀皆有大義非黍非稌蓋黍稌類而獨大者耳乃周末秦漢六朝諸書率冒粱爲稷唐蘇恭輩始悟前人之非復以黍之不黏者當之相沿至今卽北方學者亦不復深考稷本名秫而秫爲高粱日在口中名實未失者乃亦習焉而不察也余曾

著九穀考辨之纂詳惟稷爲首種黍最晚生而詩反言彼黍離
離彼稷之苗者於此不能無疑焉今年小暑節過天津見黍糜
正秀而高粱但有長苗竟畝無一秀者然後其疑乃釋立秋十
日後南歸道經直隸山東諸郡縣正黍稷粱三穀登場之時大
率兗州府以北黍糜全穫高粱穫者半小米未穫者尙多也間
之農人則曰立秋穫黍正時處暑穫高粱正時白露穫小米正
時也鄒滕以南三穀盡登蓋其節氣較前半月余因叩其秀之
時曰黍先秀高粱次之小米九十日熟者與黍同秀百二十日
熟者後於黍糜也然則所謂黍離離而稷苗者至是愈無疑矣
蓋離離者狀黍生下垂之形秀亦離離也穗亦離離也實亦離
離也故黍已離離而稷或猶苗及黍猶離離而稷或已實時有

先後種有早晚大致不差抑非必可以執一論者也至於粱之一穀北方謂之小米亦單呼爲穀南方謂之粟與北方黃米之爲黍糜者大異亦夫人而知之向也爲稷所冒久假不歸而蘇恭輩歸之究不悟稷之本穀復去而冒黍今余据稊稭之名定之爲稷稷之本穀定而粱得自全其爲粱黍亦得自全其爲黍不可不圖之以待來者南行十餘日黍稷粱三穀日採一穗觀之北方少藝稻者至滕縣城南得一區遂採而觀之竝圖於後

黍

鄒氏月令注云黍秀
舒散可於圖驗之



稷

高粱實有金黃
色者性黏其穗
亦下垂但連穗
勾屈不似黍秀
之舒散



稻



梁



淮南子注所謂穗垂向根張衡
所謂垂穎顧本可於圖驗之

莠附





黍
州

辨論黍稷二穀記

或謂稷者北方所謂小米黍者北方所謂高粱也瑤田案小米

說文謂之禾釋之曰嘉穀嘉穀實曰稌稌實曰米米名曰梁其

苗有赤白之異爾雅所謂藁赤苗芑白苗是也赤白指苗言且苗爲是穀專稱

惡莠亂苗莠不能亂他穀也毛傳因爾雅不易一字許叔重於苗下增嘉穀字以曉人郭氏去苗字易以梁稌字赤白指穀色

言誤此穀古人貴之故簠簋實用爲加膳蓋黍稷稻粱四穀中

之梁也今北方亦以此爲食之主故單呼曰穀其苗之異者亦

有紅苗穀白苗穀之稱其米曰小米所以別大米之名也米色

微黃不曰黃米者所以別黍稷之米名黃米也然則小米之非

黃米北方之民夫人而知之也瑤田又案黃米說文謂之黍釋

之曰禾屬而黏者也其不黏者曰糜曰稷互釋之曰糜稷也稷

糜也穀色有黃白赤黑四種黑者秬黍也其皮皆有光澤黃白者如象牙黑者如推光漆不似小米穀皮之枯皺也今北方呼黍子糜子稌子古今無異稱惟加子字而已其米通呼黃米或又呼糜子爲稷米蓋因唐蘇恭輩冒之爲稷故相沿至今有稷米之稱也小米播於二三月黃米播於五月黃米穫在前小米穫在後播之時異穫之時異米穀之色皆異北方農民雖婦孺皆能辨之瑤田又案高粱昔人稱蜀黍南方呼蘆稌北方呼紅粱以農家多種赤色者又呼麤粱以其米麤硬不如黍稻粱之美也其赤色者黏不黏二種金黃色者黏純白色亦有黏者不黏者多也北五省處處種之大河以南江淮以北亦處處種之通呼高粱亦通呼秫秫其稻呼秫稻瑤田南北上下凡五反市

井商賈交易輒索其簿券觀之無不作秫字者曾在鳳陽郡守署適高粱將穫時盜者甚衆告於官其詞竝稱秫秫秫稽云說文秫稷之黏者今則無論黏與不黏皆曰秫且稱名半海內定之爲稷良亦非誣是故梁歸於梁證以赤白苗而無可游移黍歸於黍則以其今不異於古所云也稷歸於稷又以五方之民舉稱秫秫而未嘗或有異詞者也至以黍爲高粱而曰高粱以暑月種夫高粱之不能種於暑月瑤田知之審矣甲午夏武邑旱六月十五日大暑十八日始得雨高地未播種者皆於雨後種小米黃米大豆蕎麥唯不能種高粱詢之農民則曰高粱諸穀中之最先種者至此時種萬不能收又聞鳳陽人云彼地高粱有九裏種伏裏收之諺許州襄城諺亦云然比至豐潤俚諺

亦如是然則夏小正尙書大傳淮南子說苑諸書言大火種黍者確指今日之黃米言斷不指高粱也孟子言貉惟生黍貉地於北方較東後漢書之烏桓唐書北狄之奚謂地宜稼稼多稼者是也若當正北極寒卽黍亦未必能生故漢書匈奴傳謂其無常居耕田之業矣高粱早種遲秀彼地生物之氣時日最短如何能生瑤田六月過天津見黍麋正秀而高粱竟畝無一秀者因詢之農民則曰高粱種在黍麋前秀在黍麋後在地時日久其秀反遲若不早種斷不能收向疑高粱首種而詩乃云黍離離稷猶苗者至此始信詩言不繆矣若夫謂稷爲小米者此郭氏注爾雅以稟釋稷之說蓋指小米言也然不自郭氏始也漢魏以來說者皆然至唐蘇恭輩始不然之而以黍不黏者之

糜稌當之是唐以前以小米爲稷唐以後以黃米爲稷今用郭氏之說宜以稷爲小米又以北方所謂稌米爲稷之黏者無論稌米不黏或爲傳聞之譌而以之爲稷則是又謂稷爲黃米矣夫黃米者北方人現呼黍子糜子稌子之名也小米者北方人現呼穀子之名也穀子無黃米之名稌子無小米之名若依郭氏斷主小米若依蘇恭輩斷主黃米兩穀判然恐難合而一之以爲說也

往歲曾用山西黑黍依漢書律厯志以一黍之廣度九十分爲黃鍾之長適與同身寸之九寸畧相等又與鄭氏注儀禮言中人之扼圍九寸亦畧相等今以高粱爲黍則黃鍾之長當以一小高粱之廣排作九十分瑤田因擬爲之較往歲所定黃鍾之長